



鄂國金作續編卷第六

孫朝請大夫權尚書戶部侍郎總領浙西江東財賦兼東軍



馬錢糧專一報發 御前軍馬文字兼提領措買屯田通城

蘇開國男食邑三百戶賜紫金魚袋 岳珂



絲綸傳信錄卷之五

紹興四年

給降虜諭榜文省劄

報仙人關獲捷省劄

差兼黃州復州漢陽軍德安府制置使

省劄

措置防守襄陽隨郢等州省劄

照會措置防守已收復州郡省劄

檢會前劄

除湖北荆襄潭州制置使省劄

除清遠軍節度使湖北路荆襄潭州制

置使依前神武後軍統制省劄

賜香藥 詔書等省劄

紹興五年

照會添置將分省劄

除湖北襄陽招討使省劄

紹興六年

兼營田使省劄

督府照會有闕官六處知通以下許自

踏逐令先次供職申奏給降付身劄

催赴 行在奏事省劄

督府令赴 行在奏事訖還鄂州本司劄

從申踏逐僻差官屬省劄

紹興四年

給降曉諭榜文省劄

三省樞密院同奉 聖旨榜文劄與岳飛依此騰寫雕印散行曉諭即不得備坐今降聖旨指揮具知稟聞奏

右并榜文連粘在前今劄送江南西路舒蘄州兼荆南鄂岳州制置使岳承宣照會准此

紹興四年四月四日

報仙人關獲捷省劄

岳飛奏三年六月十七日有川陝宣撫司使臣楊祖雲齎捷報旗前赴行在稱於興州界仙人關殺金平野與蕃賊四太子皇弟郎君見大陣獲捷乞量進兵等事候 勅旨

右三省樞密院同奉 聖旨令岳飛遵依已降畫一并榜文 指揮施行今劄送江南西路舒蘄州兼荆南鄂岳州制置使岳承宣疾速施行准此

紹興四年四月六日

押押

差兼黃州復州漢陽軍德安府制
置使省劄

三省樞密院同奉

聖旨岳飛差兼黃州復

州漢陽軍德安府制置使餘依舊

右劄送江南西路舒蘄州兼荆南鄂岳黃

復州漢陽軍德安府制置使岳承宣照會

施行准此

紹興四年五月一日

押

措置防守襄陽隨郢等州省劄

樞密院奏勘會昨降畫一指揮出兵收復襄
陽唐鄧郢州信陽軍六郡地土並委岳飛隨
宜措置差官防守如城壁不堪守禦相度移
治山寨或用土豪或差舊將牛皋等主管事
畢大軍復回江上屯駐近據岳飛申奏已收
復隨郢州襄陽府了當統率軍馬見在襄陽
下營已降指揮比遣岳飛收復荆襄諸郡方
此盛暑將士暴露備見勤勞深所嘉歎唐鄧

事宜再行問探賊中虛實必已盡知人數多寡糧道遠近將帥姓名相距形勢並須明審敵情察其姦計王師旣勝尤當持重已復三郡如何防守未得州縣亦當措畫仍切激勵諸軍竭忠戮力能協心而徇國必懋賞以勸功軍食所須已嚴催督漕運繼往決無闕事指揮到日可條具聞奏今續據岳飛申探到偽齊添差番賊并簽軍見在新野龍陂胡陽棗陽縣并唐鄧州一帶屯駐大段數多見艱力措置乞詳察所申特降 指揮施行

右三省樞密院同奉 聖旨令岳飛詳度事機審料敵情唐鄧信陽決可攻取即行進兵如未可攻先次措置襄陽隨郢如何防守務在持重終保成功董先牛臯李道等可與不可差委各守壹郡荆南德安貳鎮皆與襄陽形勢接連並是江北屏翰衝要去處荆南見有多少軍馬合與不合增添德安亦合分屯一軍相爲援助逐處分

撥屯軍糧道次第詳細利害速行條具今
已夏末防秋不遠依元降畫一大軍復回
屯守江上較其利害鄂州為重江州為次
亦速相度一狀聞奏今劄送江南西路舒
蘄州兼荆鄂岳黃復州漢陽軍德安府制
置使岳承宣疾速施行准此

紹興四年六月二十三日

照會措置防守已收復州郡省劄

岳飛奏條具到欲駐大兵於鄂州則

襄陽隨郢量留軍馬又於安復漢陽
亦量駐兵兵勢相援漕運相繼荆門
荆南聲援亦相接江淮荆湖皆可奠
安六州之屯宜且以正兵六萬為固
守之計就撥江西湖南糧斛 朝廷
支降券錢為一週年支遣候將來措
畫既成軍儲則 朝廷易為應副糧食
勘會已降 指揮岳飛收復襄陽一帶功
績可嘉如委的探得番偽賊馬厚重勢未

可以進討仰將已收復州郡隨宜措置或
差舊將董先牛臯李道或用土豪主管大
軍回就鄂州歇泊別聽 指揮務在保守
前功不得乘勝輕敵慮致落賊姦便七月
十八日又奉 聖旨劄與岳飛依已降
指揮施行

一岳飛奏契勘荆南有解潛兵三千餘
人若 朝廷令重兵駐鄂其荆南襄
陽隨郢德安等州臣當斟量事勢分

兵防守甚為利便臣先所乞以精兵
六萬屯於鄂州就撥江西湖南糧斛
及 朝廷支降券錢一週年應副伏
望特賜 指揮施行

勘會岳飛一行錢糧除米已支三十三萬
石外錢已支九十七萬五千貫去訖今來
緣不見得本軍見今并回軍日每月的實
比舊增減數目致約度支降未得七月二
十八日三省樞密院同奉 聖旨令岳飛

將 朝廷已支降錢米據每月實支數目
約度可以支遣終至具狀申尚書省接續
支降其所乞軍馬今荆湖南北皆有見屯
官兵止緣湖賊黃誠楊么未平摘那未得
已令王燮進兵攻討候賊平日相度於逐
路差撥軍馬前去江上屯駐可劄與岳飛
照會

紹興四年七月十八日

檢會前劄

江南西路舒蘄州兼荆南鄂岳黃復州漢陽
軍德安府制置使岳飛奏臣近措置遣發軍
馬掩殺番僞賊衆收復鄧州了當外有唐州
信陽軍臣已調發軍馬前去收復及繼差官
前去葺治所有唐鄧州信陽軍累經殘毀城
壁損壞久不修治切慮日後難以保守臣已
相度如逐州軍不堪防守即令移治穩便山
寨如有賊馬侵犯即更切相度前來襄陽府
保聚臣已差撥二千人付安撫使張旦在襄

陽府屯駐及令襄陽安撫司量行分遣軍馬
前去唐鄧等州以爲斥候招集官吏軍民并
差一百五十人往郢州二百人往隨州駐劄
臣只候先所陳乞軍馬到來即更行量添撥
付逐州府防守措置捍禦外臣緣所統軍馬
道路日久委是疲勞除已統率起發前去德
安府歇泊聽候 朝廷指揮候 勅旨貼黃
稱臣先條具荆襄等利害所乞軍馬等事伏
乞速降 指揮施行

右三省樞密院同奉 聖旨檢坐已降
揮劄與岳飛照會并檢會今劄送江南西
路舒蘄州兼荆南鄂岳黃復州漢陽軍德
安府制置使岳承宣疾速施行准此

紹興四年八月十四日

除湖北荆襄潭州制置使省劄

樞密院奏勘會已除岳飛充湖北荆襄潭州
制置使鄂州駐劄

右三省樞密院同奉 聖旨王燮罷制置

使依前神武前軍統制江州駐劄兼節制
舒蘄黃州措置防秋今劄送湖北路荆襄
潭州制置使岳節使照會准此

紹興四年八月二十五日 押押押

除清遠軍節度使湖北荆襄潭州
制置使依前神武後軍統制省劄
檢會樞密院關樞密院奏勘會昨自李橫退
師叛賊李成等占據襄陽府唐鄧隨郢州信
陽軍欲聚兵南來作過岳飛素有奏陳措畫

遂降指揮差岳飛統率所部軍馬於麥
熟以前措置進兵復取上件州軍事畢大軍
已回江上屯駐節次據岳飛奏進發軍馬掩
擊番偽賊馬於五月六日收復郢州十七日
收復襄陽府十八日收復隨州七月十七日
收復鄧州二十三日收復唐州并已收復信
陽軍並已差官葺治屯兵防守飛已班師江
上歇泊右八月二十二日三省樞密院同奉
聖旨岳飛特除清遠軍節度使湖北路荆襄

潭州制置使依前神武後軍統制除安撫制
置大使司外其餘並聽節制封邑依例施行
右劄送湖北路荆襄潭州制置使神武後
軍統制岳節使

紹興四年八月二十五日 押 押

賜香藥詔書等省劄

三省樞密院同奉 聖旨賜岳飛香藥壹合
本軍將士 詔書壹道并印本 詔書貳百
道分給本軍將士

右差使臣李庭幹賫送前去今劄送湖北
路荆襄潭州制置使岳節使照會收管訖
具狀申樞密院准此

紹興四年十一月二十三日 押 押 押

紹興五年

照會添置將分省劄

樞密院奏諸路軍事都督行府關荆湖南北
襄陽府路制置使岳飛劄子契勘本軍昨准
朝廷指揮置立拾將今來人數稍增欲望

賜 指揮添置將分候 指揮右已劄下岳
飛共以叁拾將為額外關送樞密院指揮
右奉 聖旨依已行事理今劄送荆湖南
北襄陽府路蘄黃州制置使岳節使照會
施行准此

紹興五年八月三日 押押

除湖北襄陽招討使省劄

樞密院奏勘會岳飛已除檢校少保理宜增

重使名

右三省樞密院同奉 聖旨岳飛除湖北

襄陽府路招討使除別降付身外今劄送

新除湖北襄陽府路招討使檢校岳少保

照會

紹興五年十二月一日 押押押

紹興六年

兼營田使省劄

三省同奉 聖旨荆湖北路襄陽府路招討

使岳飛川陝宣撫副使吳玠並兼營田使

右劄送湖北襄陽府路招討使檢校岳少保

紹興六年二月四日 押押

督府照會有闕官去處知通以下
許自踏逐令先次供職申奏給降
付身劄

諸路軍事都督府

行府送到湖北襄陽府路招討使岳飛劄子
契勘湖北襄陽府路如有闕官去處自知通
并州縣官許自踏逐
職外申奏 朝廷給降付身仍許薦舉改官
及陞擢差遣任使候 指揮二月十一日奉
聖旨依所乞其薦舉改官許以見闕監司負
數合用舉狀薦舉一次

右劄送湖北襄陽府路招討使檢校岳少保

紹興六年二月十一日 押

催赴 行在奏事省劄

湖北襄陽府路招討使岳飛申於今月初九
日晚到常州迤邐前去平江府以來聽候

指揮外申聞事檢會諸路軍事都督府關尚
書右僕射張浚劄子奏勘會岳飛議事已畢
令取道衢信去 行在不遠 欲一見天
顏少慰臣子瞻戀之心欲望 聖慈特令內
殿引 見取 進止二月九日奉 聖旨依
候引 見奏事畢免 朝辭疾速還鄂州本
司關送樞密院照會

右劄送湖北襄陽府路招討使檢校岳少
保依已降 指揮疾速起發兼程前來赴
行在奏事准此

紹興六年二月十三日 押 押

督府令赴 行在奏事訖還鄂州
本司劄

諸路軍事都督府

會岳飛已到 行在奏事畢二月十九日
奉 聖旨今岳飛於今月二十日就 內殿
辭訖日下回歸本司

右劄送湖北京西南路招討使檢校岳少保

紹興六年二月十九日 押

從申踏逐辟差官屬省劄

紹興六年二月十九日諸路軍事都督府關
行府送到岳飛劄子今來本司事務全藉官
屬協力欲乞差參謀參議各一員主管機宜
文字一員書寫機宜文字一員幹辦公事六
員准備差使八員點檢醫藥飭食二員不以
見任寄居待闕許飛踏逐奏差令先次供職
不得辭避候 指揮二月十一日奉 聖旨
依所乞右關送尚書省指揮

右劄送湖北京西南路招討使檢校岳少保

紹興六年二月十九日 押

鄂國金佖續編卷第六

邦國金佗續編卷第七

孫朝請大夫權尚書戶部侍郎總領浙西江東財賦准東
軍馬錢糧專一報發 御前軍馬文字兼提領措置屯田通

城縣開國男食邑三百戶賜紫金魚袋岳琦 編次

絲綸傳信錄卷之六

紹興六年

照會踏逐辟差官先次供職省劄

督府從申書填寫告劄

從申刺舉本路州縣官省劄

任招討使申明行移用公牒劄

督府令將帶精兵前去襄陽劄

除湖北京西路宣撫副使省劄

內艱賜銀絹省劄

令鄂州應辦葬事省劄

特起復日下主管軍馬不得辭免省劄

起復第二省劄

辭免起復不允省劄

進發至京西路添入河東及節制河北

路字省劄

免取會立功制領將佐料曆省劄

目疾令不妨本職治事省劄

賜銀合茶藥省劄

偽五大王至蔡州令審料敵情省劄

紹興六年

照會踏逐辟差官先次供職省劄

紹興六年二月十九日諸路軍事都督府關

行府送到岳飛劄子契勘湖北襄陽府路如

有闕官去處自知通并州縣官許飛踏逐強
明清幹官令先次洪職外申奏 朝廷給降
付身仍許飛薦舉改官及陞擢差遣任使候
指揮二十二日奉 聖旨依所乞其薦舉改
官許以見闕監司真數合用舉狀薦舉右關
送尚書省指揮

右劄送湖北京西南路招討使檢校岳少保

紹興六年二月十九日

押

督府從申書填寫空告劄

諸路軍事都督府

湖北京西南路招討使岳飛劄子契勘今來
蒙 朝廷給降到空名告劄如日後書填寫
欲於告劄背後題寫階銜押字用印以爲照
憑候書填寫具職位姓名立功因依供申
朝廷仍乞劄下付飛照會伏候 指揮
右劄送湖北京西南路招討使檢校岳少
保依所乞施行准此

紹興六年二月二十日 押

從申刺舉本路州縣官省劄

檢校少保鎮寧崇信軍節度使充湖北京西南路招討使兼本路營田使岳飛劄子飛誤蒙朝廷委寄兩路不敢不竭愚鈍然州縣例經殘破正賴撫綏切慮州縣官有蠹政害民贓汚不法之人欲乞許本司一面對移事重者放罷仍具情犯職位姓名奏聞所貴官吏修舉職事不敢苟簡候指揮奉聖旨依右劄送湖北京西南路招討使檢校岳少保

紹興六年二月二十一日押

任招討使申明行移用公牒劄

諸路軍事都督府

鎮寧崇信軍節度使湖北京西南路招討使岳飛劄子准諸路軍事都督府劄子勘會岳飛昨充湖南北襄陽府路制置使日依第二等奉使條例發運監司並用申狀兼契勘昨張浚任江南東路招討使日除安撫大使司用公牒外其餘帥司並用申狀今來岳飛已

改除湖北京西南路招討使理合申明二月十九日奉 聖旨並依例施行飛即未審本司行移本路安撫監司用公牒唯復用劄子伏乞明賜 指揮取到武節郎充江南東路宣撫使司幹辦官高淮狀契勘張開府昨任江淮路招討使日於監司發運帥司行移並用公牒所供是實申聞事

右劄送湖北京西南路招討使檢校岳少保照會准此

紹興六年二月二十一日 押

督府令將帶精兵前去襄陽劄

諸路軍事都督府

勘會岳飛已降 制命除授武勝定國軍節

度使依前檢校少保充湖北京西路宣撫副使兼營田使襄陽府置司三月十二日奉

聖旨令岳飛依議定事理將帶精兵疾速起發前去襄陽仍具已起發月日 聞奏

右劄送湖北京西路宣撫副使檢校岳少保

紹興六年三月十二日

押

除湖北京西路宣撫副使省劄

樞密院奏勘會已降指揮岳飛除湖北京西路宣撫副使

右奉 聖旨令岳飛疾速兼程前去鄂州措置軍事今劄送湖北京西路宣撫副使檢校岳少保疾速施行准此

紹興六年三月十二日

押押

內艱賜銀絹省劄

四月八日三省同奉 聖旨岳飛母身亡已降指揮起復可於格外特賜銀絹各壹阡疋兩令戶部支給宣撫副使檢校岳少保右劄送起復武勝定國軍節度使湖北京西路宣撫副使檢校岳少保

紹興六年四月八日

押

令鄂州應辦葬事省劄

勘會岳飛母身亡所有葬事合行應副四月八日三省同奉 聖旨令鄂州協力措置施行

置進兵渡江不可等待

右奉 聖旨先次行下岳飛特起復仍日
下主管軍馬措置邊事不得辭免今再劄
送湖北京西路宣撫副使檢校岳少保疾
速施行准此

紹興六年四月九日 押押

辭免起復不允省劄

草土岳飛奏准樞密院劄子勘會岳飛母魏
國太夫人姚氏身故已降 指揮起復仍日

下主管軍馬措置邊事不得辭免今來尚未
見依舊治事緣見措置邊事不可稍緩奉

聖旨令岳飛遵依累降 指揮日下主管軍
馬職事不得辭免仍具已供職月日聞 奏
臣契勘除已具辭免奏聞外伏望 聖慈特
許臣終制奏聞事

右勘會岳飛所請累降 詔旨不允日下
主管軍馬措置調發不得再有陳請及令
本司屬官將佐日下稟請治事至今尚未

祇受起復 恩命顯是屬官等並不體
國敦請致邊事闕官措置奉 聖旨令本
司屬官等依已降指揮日下敦請依舊治
事如依前遷延致再有辭免其屬官等並
當遠竄仍劄與岳飛依累降 詔旨日下
治事不得更有陳請今劄送湖北京西路
宣撫副使檢校岳少保疾速施行准此

紹興六年五月十一日 押 押

進發至京西路添入河東及節制

河北路字劄

諸路軍事都督府

岳少保申准都督行府劄子勘會行府恭被
聖訓應措置軍事一面相度施行契勘岳少
保已除湖北京西路宣撫副使所有將來進
發至京西路分行下偽界文字合添入河東
貳字以湖北京西河東宣撫使繫階其行移
湖北以裏州軍及申奏 朝廷并行府等文
字自合依舊已於三月三十日劄下岳少保

照會施行去訖須議指揮右勘會若將來有
河北申到本司軍前文字即聽行節制仍於
階內添入節制河北路五字餘依已劄下事
理施行除已遵依 指揮施行外飛契勘河
東河北兩路近除有梁興等前來之後外別
無前來之人所有前項所准 指揮令飛階
內添入河東及節制河北路字伏乞行府特
賜指揮寢罷施行伏候 指揮

右勘會逐次劄下事理係將來行軍進發
至京西路分遇有逐路合行文宇即於階
內添入今劄送湖北京西路宣撫副使檢
校岳少保照會准此

紹興六年七月二日

押

免取會立功制領將佐料曆省劄
樞密院奏勘會昨降指揮諸軍緣捍禦戰鬪
金人大軍立到奇功統制統領將佐使臣等
內有未曾給到料錢文曆之人並令戶部免
取會不以拘礙特行出給今來偽賊劉麟侵

犯淮西作過 朝廷已遣諸頭項大兵前去
併力掩殺外

右奉 聖旨諸軍統制統領將佐使臣等
內有立到奇功未曾出給料錢文曆之人
特依昨降戰敵金人立奇功已得 指揮
仍令樞密院給降黃榜曉諭并黃榜壹道
今劄送湖北京西路宣撫副使檢校岳少
保疾速施行准此

紹興六年十月十四日 押押

目疾令不妨本職治事省劄

樞密院奏湖北京西路宣撫使司參謀官薛
弼等申契勘宣撫岳少保於九月二十八日
巡邊回到鄂州軍前緣為眼疾昏暗未能治
事准劄子令弼等權行管幹宣撫司事務已
累具利害事因取稟乞不妨本職治事服藥
調護目疾堅謂目痛昏暗有妨書押除已逐
急行移及將軍馬事務移文守寨同提舉一
行事務張憲管幹施行外伏望 朝廷詳酌

速賜 指揮施行伏候 指揮

右勘會近緣賊馬侵犯淮西累降 指揮

令岳飛總率全軍星夜兼程起發前來都

督行府今據前項所申除已降 指揮差

眼科皇甫知常日下起發差使臣伴送由

江池州路前去岳飛軍前醫治外今來邊

事急切正賴主帥親提軍馬共濟 國事

奉 聖旨令岳飛日下不妨本職治事餘

依累降 指揮施行先具已治事日時聞

奏今劄送湖北京西路宣撫副使檢校岳

少保疾速施行准此

紹興六年十月十六日 押 押

賜銀合茶藥省劄

奉 聖旨令入內內侍省差內侍壹員前去

岳飛軍前傳宣撫問仍賜銀合茶藥

右劄送湖北京西路宣撫副使檢校岳少

保照會准此

紹興六年十一月二十六日 押 押 押

金仙經卷十
三
偽五大王至蔡州令審料敵情省劄
湖北京西路宣撫副使岳少保申據王貴申
偽五大王擁賊兵前來離何家寨四十里地
名大標木依靠山勢擺布迎敵官軍於十二
月初十日與賊交戰大獲勝捷申 聞事小
貼子飛契勘偽五大王擁番偽重兵侵犯唐
鄧州漢上一帶作過飛遂遣發軍馬措置今
雖獲大捷緣已至蔡州界去京城大段比近
勢未能便行深討飛見星夜前去相度若蔡

州可下即行收復差官主管州事畢班師別
聽 朝廷指揮伏乞照會檢會近據岳少保
奏十一月十二日統制官寇成等申虜叛賊
兵侵犯京西一帶事宜十一月二十七日奉
聖旨令岳飛更切審料敵情擇利進止務取
全功除合遵依前項 聖旨指揮施行及應
干軍事自合明審事機便宜措置外
右行府契勘今來已破何家寨等處如彼
處及蔡州一帶糧料有餘可以劄立硬寨

分遣輕騎追引虜叛賊兵前來擇利取勝
即合隨宜經畫遲以旬月因立大功如
問得大河南北別有番賊重兵相繼應援
未湏與之輕戰即遵依已降 聖旨指揮
及行府累劄下便宜 指揮施行今劄送
湖北京西路宣撫副使檢校岳少保照會
具已施行事狀申行府准此

紹興六年十二月一日

鄂國金佗續編卷第七

鄂國金佗續編卷第八

孫朝請大夫權尚書戶部侍郎總領浙西江東財賦淮東軍馬

錢糧專一報發 御前軍馬文字兼提領措置屯田通城縣

開國男食邑三百戶賜紫金魚袋 岳珂 編次

絲綸傳信錄卷之七

紹興六年

番僞分路前來令更切審料賊情省劄

雪寒撫諭將士黃榜

令赴 行在奏事省劄

紹興七年

再令疾速赴行在奏事省劄

令扈車駕幸建康省劄

令入內侍省引對省劄

詔諭靖康叛臣能束身以歸當覆爵秩

省劄

許令便宜行事省劄

督府令相度京西一帶事宜劄

督府令收掌劉少保下官兵劄

從奏進屯淮甸仍降詔獎諭省劄

照會依張俊例批勘請俸省劄

紹興八年

令於江州統率官兵回鄂州省劄

服闋除起復二字省劄

紹興六年

番偽分路前來更切審料賊情省

劄

湖北京西路宣撫副使岳飛申今據諸處申

到番偽賊馬厚重分路前來侵犯飛雖目疾昏痛未痊不免於十一月十五日躬親渡江星夜前去措置賊馬外伏候 指揮

右檢會岳飛奏諸處申賊馬分路前來侵犯已將帶軍馬過江措置十一月二十七日奉 聖旨令岳飛更切審料賊情擇利進止務取全功已劄下去訖今劄送湖北京西路宣撫副使檢校岳少保照會准此

紹興六年十二月三日

雪寒撫諭將士黃榜

奉 聖旨岳飛行軍襄漢正此雪寒將士勤勞良軫顧念可令學士院降 詔撫諭一行將士仍降黃榜曉諭

右并 詔書黃榜各乙道今劄送湖北京西路宣撫副使檢校岳少保照會收管施行准此

紹興六年十二月十二日

押

令赴

行在去矣事省劄

十二月二十一日三省樞密院同奉 聖旨
岳飛候指揮到如別無緊切事宜量帶親兵
前來 行在所奏事

右劄送起復武勝定國軍節度使充湖北
京西路宣撫副使檢校岳少保

紹興六年十二月十四日

紹興七年

再令疾速赴 行在奏事省劄

正月三日三省樞密院同奉

聖旨令岳

依已降 指揮如別無緊切事宜令疾速起
發赴 行在所奏事

右劄送起復武勝定國軍節度使充湖北
京西路宣撫副使檢校岳少保

紹興七年正月三日 押押

令扈 車駕幸建康省劄

起復檢校少保武勝定國軍節度使湖北京
西路宣撫副使兼營田使岳飛劄子契勘飛
累准 朝廷指揮催促令前來 行在所奏

事飛已到 行朝適值 國恤隨班入臨欲
候除服日即乞 朝辭 指揮勘會 車
駕巡幸建康進發在近二月十八日樞密院
同奉 聖旨令岳飛扈從前去其見將帶馬
軍於禁衛從行
右劄送起復湖北京西路宣撫副使檢校
岳少保

紹興七年二月十九日

令入 內內侍省引對省劄

三月三日三省同奉 聖旨岳飛令入 內

內侍省今月四日引對

右劄送湖北京西路宣撫使岳太尉

紹興七年三月四日 押押押

詔諭靖康叛臣能束身以歸當復

爵秩省劄

檢會紹興四年十二月十二日三省樞密院

同奉 手詔 朕惟靖康兵革之難神器幾

墜 天命有在屬于 眇躬夙夜兢兢罔敢

自逸期與爾士大夫共雪大耻還我兩宮
 保有黎元未庇中土而強敵侵軼迫朕一
 隅叛臣乘時盜據京邑使我搢紳淪陷塗炭
 繇朕不德以至於斯北望傷心收涕無所
 亦惟爾士大夫蒙祖宗休澤服在周行其肯
 失身偽廷事非其主顧軀脅使然有不得已
 者朕甚痛之故若張孝純李鄴李儔等內
 外親族不廢祿仕每飭有司常加存恤朕
 之於爾厚矣爾尚忍忘之耶其能洗心易慮
 束身以歸當復其爵秩待遇如初嗚呼逆順
 之理禍福之機昭然甚明要知所擇朕方
 昭大信以示天下言不爾欺有如皦日咸務
 自省體朕至懷故茲詔示想宜知悉
 右劄送湖北京西路宣撫使岳太尉照會
 施行准此

紹興七年三月十四日

許令便宜行事省劄

勘會岳飛昨除湖北京西宣撫副使日已降

指揮如有合行事件遇行軍申奏待報不及
許便宜施行今來已除宣撫使三月十四日
奉 聖旨岳飛知行軍入賊境有軍期事務
申奏待報不及依已降 指揮許便宜施行
訖具事因 聞奏及申都督府

右劄送湖北京西路宣撫使岳太尉

紹興七年三月十四日

督府令收掌劉少保下官兵劄

諸路軍事都督府

勘會淮西宣撫劉少保下官兵等共五萬二
千三百一十二人馬三千一十九疋須至指揮
統制官通待大夫武康軍承宣使王德
下 官兵等五千七百三十一人
馬二百八十七疋

中侍大夫武泰軍承宣使酈瓊下 官
兵等五千五十五人馬三百五十四疋
左武大夫和州團練使王師晟下 官兵
等四千八百九十人馬二百三十一疋

翊衛大夫和州防禦使靳賽下 官兵等
五千七百二十一人 馬二百八十二疋

武顯大夫貴州刺史兼閣門宣贊舍人王
照下副統制馬欽 官兵等三千一百二
十八人 馬一百三十疋

武功大夫通州刺史兼閣門宣贊舍人王
志下 官兵等四千一百七十二人 馬
一百九十六疋

中侍大夫榮州防禦使喬仲福下 官兵

等七千三十八人 馬三百六十三疋

左武大夫恩州刺史兼閣門宣贊舍人張
景下 官兵等六千九百四十六人
馬八百六十九疋

左武大夫忠州刺史兼閣門宣贊舍人王
世忠下 官兵等四千四百七十八人
馬二百七疋

武德郎閣門宣贊舍人李進彥下 係水軍
官兵等五千一百五十二人 馬關

副統制左朝請大夫趙四臣

武義大夫閤門宣贊舍人康淵


右劄送湖北京西路宣撫使岳太尉照會
密切收掌仍不得下司准此

紹興七年三月十四日

督府令相度京西一帶事宜劄

諸路軍事都督府

勘會統制鄧瓊等駁衆渡淮其逆賊劉麟必
聚兵引接度其事勢須以重兵監防旬月之



Vertical columns of text on the left page, including a header at the top and a small mark at the bottom left.

Vertical columns of text on the right page, including a header at the top and a small mark at the bottom right.

狀申 伏候指揮戶部供到紹興元年十二月一日 勅尚書省送到太尉定江昭慶軍節度使神武右軍都統制張俊狀檢准十月二十四日 尚書省劄子奉 聖旨指揮閣門張俊已除太尉不候辭免特許 赴赴 朝參令立新班應恩數張傘等並依劉光世任太尉日依先次施行伏候 指揮奉 聖旨依已得 指揮所有諸般請給緣 俊自出身已來皆係戰功伏望特降 指揮行下所屬據

俊身分合

依劉光世以太尉例並支

真俸施行伏候

指揮三省以奉 聖旨特

依劉光世

例支破內隨身僉人米一

半折支價錢九月二十九日奉

聖旨並依

張俊已得

指揮則例批勘

右劄送起復湖北京西路宣撫使岳太尉

紹興七年九月二十九日押押押

紹興八年

令於江州統率

兵回鄂州省劄

樞密院奏勘會昨降指揮令岳飛將帶官兵

水軍人舡前來江州駐劄今來已過防秋

右三省樞密院同奉 聖旨令岳飛審度

如別無緊切事宜即統率一行官兵人舡

回歸鄂州本司具已起發日時申樞密院

今劄送湖北京西路宣撫使岳太尉

紹興八年六月十三日

朕闕除起復二字省劄

武功大夫兼閣門宣贊舍人特差荆湖西路

宣撫使司往來幹辦軍期事務王敏求狀契
勘宣撫岳太尉先為母亡起復合至今年六
月一日從吉所有起復二字未敢便行除落
伏候 指揮吏部供到狀昨劉少師紹興三
年四月內因丁母憂降 制起復後來至服
闋日本官一面除落起復二字即不曾降
指揮除落申 聞事

右劄送湖北京西路宣撫使司照會准此

紹興六年六月二十八日押押押卷終

鄂國金佗續編卷第九

孫朝請大夫權尚書戶部侍郎總領浙西江東財賦淮南
軍馬錢糧專一報發 御前軍馬文字兼提領措置屯田通

城縣開國男食邑三百戶賜紫金魚袋岳珂編次

絲綸傳信錄卷之八

紹興八年

再令除落起復二字省劄

乞致仕不允仍令前來 行在奏事省劄
辭免赴 行在奏事不允省劄

同前第二劄

再乞致仕不允省劄

紹興九年

同判宗士儂等前去祇謁陵寢省劄

合用修工費用令王良存於大軍錢內

支省劄

免親往祇謁 陵寢省劄

照會免去祇謁 陵寢省劄

同前第二劄

令赴行在奏事省劄

照會追復張所左通直郎直龍圖閣省劄

賜張所一資恩澤仍支銀給省劄

紹興八年

再令除落起復二字省劄

檢會湖北京西路宣撫使司往來幹辦軍期

事務王敏求狀契勘岳太尉先為母亡起復

合至今年六月一日從吉所有起復二字未

敢便行除落候 指揮吏部供到狀昨劉少

師紹興三年四月內因丁母憂降制起復
後來至服闋日本官一面除落起復二字即
不曾降指揮除落尚書省已劄下湖北京
西路宣撫司照會去訖今據岳太尉七月初
六日奏狀尚未見除落起復字須議指揮
右劄付湖北京西路宣撫使司依已劄下
事理除落准此

紹興八年十月二十一日押押押

乞致仕不允仍令前來行在奏

事省劄

湖北京西路宣撫使岳飛奏臣今月初八日
准御前金字牌迺到樞密院劄子奉聖
旨令韓世忠張俊岳飛如別無警急事宜各
量帶親兵暫赴行在奏事臣除已恭依處
分外契勘臣累具奏聞乞歸田野以養殘
軀未賜俞允伏望聖慈檢會臣前後所
奏速降睿旨許臣致仕庶幾不致上誤
國計臣已擇今月十二日起發於江池州以

來聽候 指揮臣不勝懇切之至取 進止

右奉 聖旨 乞 仍依已降 指揮

疾速起發前來 行在奉事今劄送湖北

京西路宣撫使岳太尉疾速施行准此

紹興八年八月二十一日 押押押

辭免赴 行在 事不允省劄

湖北京西宣撫使岳飛奏臣近在路於江池

州兩具劄子冒瀆 天聽乞致仕者退循恐

懼莫知所為臣遠邊將次廣德軍界尚未准

指揮顧臣螻蟻懇迫之誠上賴 天地函容

始終之賜唯祈 昭鑒曲示 眷憐伏望早

降 睿旨許臣屏跡山林以養微軀區區之

詞備在前奏臣更不叨叨紊煩 聖聽臣除

於廣德軍以來聽候 指揮外取 進止

右三省樞密院同奉 聖旨依已降 詔

旨不允不得再有陳請仍依已降 指揮

疾速兼程前來赴 行在奏事今劄送湖

北京西宣撫使岳太尉疾速施行

紹興八年九月二日 押押押

同前第二劄

檢會湖北京西路宣撫使岳飛奏臣近在路於江池州兩具劄子冒瀆 天聰乞致仕者退循戰懼莫知所爲臣迺邈將次廣德軍界尚未准 指揮顧臣螻蟻懇迫之誠上賴天地函容始終之賜唯祈 昭鑒曲示 眷憐伏望早降 睿旨許臣屏跡山林以養微軀區區之詞備在前奏臣更不叨叨紊煩

聖聽臣除於廣德軍以來聽候 指揮外取進止九月二日奉 聖旨依已降 詔旨不允不得再有陳請仍依已降 指揮疾速兼程前來赴 行在奏事除已劄下外至今未到右再劄送湖北京西路宣撫使岳太尉遵依累降 指揮疾速施行准此

紹興八年九月四日 押押押

再乞致仕不允省劄

湖北京西路宣撫使岳飛奏臣椎鈍之資過

蒙眷注近累乞致仕又蒙聖慈降詔

不允及催督赴行朝奏事臣不敢固違召

命即遂就道伏念臣遭遇陛下實千載一

時豈欲頻具奏聞上瀆天聽重

貽罪戾徒自取之緣臣不唯眼目脚疾時時

發動深恐才不逮人緩急有誤陛下委付

覬就安閑保養賤軀跡其狂率別無他腸俟

臣異日痊可陛下尚欲使令願盡鴛蹩

仰受指縱伏望淵衷俯垂洞照早賜

允臣所請不勝幸甚干冒斧鉞退惟戰懼

取進止

右奉聖旨已累降詔旨不允不許再有

陳請今劄送湖北京西路宣撫使岳太尉

紹興八年九月六日 押押押

紹興九年

同判宗士儂等前去祇謁陵寢

省劄

湖北京西路宣撫使岳飛奏臣伏覩正月十

二日降到 赦書交割河南州縣內西京河南府臣所管地分自劉豫盜據以來 祖宗陵寢又廢嚴奉臣不勝臣子區區之情欲乞量帶官兵躬詣洒掃伏候 勅旨

右勘會已降 指揮差同判大宗正事士儂兵部侍郎張燾前去祇謁 陵寢三省樞密院同奉 聖旨劄與岳飛照會候逐官起發申取 朝廷指揮量帶親兵同共前去祇謁今劄送湖北京西路宣撫使岳

開府

紹興九年二月三日 押 押

合用修工費用令王良存於大軍錢內支省劄

勘會祇謁 陵寢官同判大宗正事士儂已得 聖旨修奉諸陵合專委官應副二月二十一日三省同奉 聖旨劄與岳飛照會與士儂商議應副人工修奉其費用令王良於大軍錢內支仍劄下王良存照會

右劄送武勝定國軍節度使湖北京西路
宣撫使兼營田大使岳開府

紹興九年二月二十三日 押押押

免親往祇謁 陵寢省劄

樞密院奏勘會已降 指揮令岳飛量帶親
兵同士儂張燾前去祇謁 陵寢緣今來新
復故地之初正要大將撫存軍旅

右三省樞密院同奉 聖旨令岳飛更不
須親往止選差將官壹兩員部押壕寨人

匠軍馬共壹千人隨逐士儂張燾前去祇

謁 陵寢其一行合用錢糧令王良存隨

逐應辦仍劄與士儂張燾照會今劄送湖

北京西路宣撫使岳開府疾速施行

紹興九年四月十一日 押押

照會免去祇謁 陵寢省劄

太尉武勝定國軍節度使湖北京西路宣撫
使兼營田大使岳飛劄子奏今日祇謁 陵
寢同判大宗正事士儂兵部侍郎張燾到鄂

州臣見辦集行役只俟得士儂張燾關報行
期便同起發或恐 陛下別有 使令願賜
一一訓敕謹具奏知檢會紹興九年四月十一日
勅樞密院劄子樞密院奏勘會已降 指揮
令岳飛量帶親兵同士儂張燾前去祇謁
陵寢緣今來新復故地之初正要大將撫存
軍旅奉 聖旨令岳飛更不須親往止選差
將官壹兩員部押壕寨人匠軍馬共壹阡人
隨逐士儂張燾前去祇謁 陵寢其一行合
用錢糧令王良存隨逐應辦仍劄與士儂張
燾照會四月十三日三省同奉 聖旨檢坐
已降 指揮劄與岳飛照會仍令學士院降
詔獎諭

右劄送湖北京西路宣撫使岳開府

紹興九年四月十四日 押押押

同前第二劄

大尉武勝定國軍節度使湖北京西路宣撫
使兼營田大使岳飛劄子奏今日祇謁 陵

寢同判大宗正事士儂兵部侍郎張燾到鄂
州臣見辦集行役只俟得士儂張燾關報行
期便同起發或恐 陛下別有 使令願賜
一一 訓敕謹具奏 知檢會紹興九年四
月十一日 勅樞密院劄子樞密院奏勘會
已降 指揮令岳飛量帶親兵同士儂張燾
前去祇謁 陵寢緣今來新復故地之初正
要大將撫存軍旅奉 聖旨令岳飛更不須
親往止選差將官壹兩員部押壕寨官匠軍
馬共壹阡人隨逐士儂張燾前去祇謁 陵
寢其一行合用錢糧令王良存隨逐應辦仍
劄與士儂張燾照會四月十三日三省同奉
聖旨檢坐已降 指揮劄與岳飛照會仍令
學士院降 詔獎諭

右已劄送湖北京西路宣撫使岳開府切
慮在路遺滯今再劄送湖北京西路宣撫
使岳開府遵依已降 指揮施行

紹興九年四月十五日 押押押

今赴 行在奏事省劄

岳飛劄子奏臣欲乞赴 行在奏事伏望

聖慈特降 指揮取 進止

右三省樞密院同奉 聖旨依奏今劄送

湖北京西路宣撫使岳開府疾速施行

紹興九年八月二十三日押押

照會追復張所左通直郎直龍圖

閣省劄

勝定國軍節度使開府儀同三司湖北京

西路宣撫使岳飛劄子奏臣竊見故左通直

郎張所先任監察御史除直龍圖閣河北路

招撫使因謫官到潭州界內為凶賊劉忠駁

虜百端誘脅終不肯從遂至被害累經 恩

赦本家無人申陳未曾牽復如張所者本疎

遠 蒙 朝廷識擢當艱危之際奮不顧身

有志未就能以節死欲望 聖慈矜憫特賜

牽復官職以激忠義之風取 進止十月九

日三省同奉 聖旨張所特與追復舊官職

關送中書門下省指揮奉勅故前通直郎
直龍圖閣張所士無節操顧雖偷生奄奄如
九泉下人若乃英風義槩折而不沮其人雖
亡凜然常有生氣有臣如此可無以表厲之
哉爾持論勁正自喜功名須由御史身任招
撫之柄毀譽交至用舍不常卒罹綠林殞於
非命雄心詛烈奮挺莫回亦可以激懦大之
氣而勸人臣之忠矣茲因將臣以名來上是
用還爾通籍仍直河圖菟而有知毋忘結草
可特追復左通直郎直龍圖閣

右劄送湖北京西路宣撫使岳開府

紹興九年十月十五日 押押押

賜張所一資恩澤仍支銀絹省劄
武勝定國軍節度使開府儀同三司湖北京
西路宣撫使兼營田大使岳飛劄子飛聞好
生惡死天下常情若臨大難而不變視死如
歸者非忠義之士不能竊見左通直郎直龍
圖閣張所以忠許國義不顧身雖斧鉞在前

凜然不易其色終能以全節自守而不屈不
惟飛知之士大夫無不知之今蒙朝廷已
叙復元官恩至渥也欲望更賜特為敷奏
乞與旌加褒異庶使天下忠義之士皆知
所勸伏候指揮十一月十二日奉聖旨
張所特與壹資恩澤仍支賜銀絹各壹佰疋
兩令所居州軍應副

右并劄下張所本家照劄壹道送湖北京
西路宣撫使岳開府照會給付准此

紹興九年十一月十三日 押押押

鄂國金佗續編卷第九

鄂國金佗續編卷第十

孫朝請大夫權尚書戶部侍郎總領浙西江東財賦在東

車馬錢糧專一報發 御前軍馬文字兼提領措置屯田

通城縣開國男食邑三百戶賜紫金魚袋岳珂編次

絲綸傳信錄卷之九

紹興十年

到蔡州給賜犒軍銀絹省劄

收復穎昌令開具立功人等第省劄

賜金帶金梳等省劄

改差內侍李世良管押御賜金帶金碗
等省劄

照會湖廣總所椿兌支犒錢省劄

照會支撥收復鄭州激賞錢省劄

李供奉押賜收復鄭州支犒錢省劄

收復趙州獲捷照會楊沂中除淮北宣

撫劉錡除宣撫判官

獎諭郾城獲捷省劄

郾城獲捷支犒士卒省劄

令先次開具立功最高將士省劄

令疾速赴行在奏事省劄

給降空名告命省劄

令措置河北河東京東三路忠義軍馬

省劄

密詔諸將廣設間諜契丹等國誘率來

歸省劄

紹興十年

到蔡州給賜犒軍銀絹省劄

三省樞密院同奉 聖旨岳飛調發軍馬已
到蔡州可令戶部給銀絹伍千疋兩充犒軍
支用令賜夏藥內侍一就押賜
右劄送湖北京西路宣撫使兼河南北諸
路招討使岳少保

紹興十年閏六月二十八日 押

收復潁昌令開具立功人等第省劄
湖北京西路宣撫使司奏據前軍統制同提
舉一行事務張憲申統率軍馬前來措置賊

馬 於閏六月十九日離潁昌府四十里與
偽賊見陣獲捷外憲統率軍馬追襲敗走賊
馬於當月二十日收復潁昌府了當 奏聞事
右三省樞密院同奉 聖旨令岳飛開具
立功人等第疾速保明 聞奏今劄送湖
北京西路宣撫使兼河南北諸路招討使
岳少保疾速施行

紹興十年七月二日 押

賜金帶金碗等省劄

三省樞密院同奉 聖旨岳飛提兵已至蔡州遣發官兵收復潁昌府可差內侍黃彥節前去傳宣撫問仍賜金合茶藥及支降金帶金椀壹千兩其已支犒軍銀并折絹銀可共添賜作伍萬兩令彥節管押赴軍前委岳飛將立功官兵等第給賜

右劄送湖北京西路宣撫使兼河南北諸路招討使岳少保照會施行

紹興十年七月四日 押 押

改差內侍李世良管押御賜金帶金椀等省劄

三省樞密院同奉 聖旨岳飛提兵至蔡州連捷收復潁昌淮寧府可差內侍李世良前去傳宣撫問仍賜金合藥及支降金帶金椀壹千兩銀伍萬兩見錢關子拾萬貫令世良一就管押前去赴軍前委岳飛將立功官兵等第給賜其先差黃彥節更不遣行

右劄送湖北京西路宣撫使兼河南北諸

路招討使岳少保照會施行

紹興十年七月六日 押 押

照會湖廣總所椿兌支犒錢省劄

勘會已降指揮令行在權貨務印造見錢關

子拾萬貫應副岳宣撫軍前犒軍支使理合

措置椿備錢數支給須議 指揮

右已劄下湖廣江西京西路總領司仰於

大軍錢內依數椿兌見錢候賣到上件關

子日下支給施行不管少有阻節留滯外

今劄送湖北京西路宣撫使兼河南北諸

路招討使岳少保照會准此

紹興十年七月六日 押 押

照會支撥收復鄭州激賞錢省劄

勘會岳飛遣發官兵收復鄭州并日後所用

激賞合行支降七月八日三省同奉 聖旨

令行在權貨務照參日更行印造見錢關子

貳拾萬貫付岳飛內壹拾萬貫激賞收復鄭

州得功官兵餘壹拾萬貫充宣撫司非時支

使其錢仰鄂州總領司疾速椿梁候到照驗
即時支給

右劄付湖北京西路宣撫使兼河南北諸
路招討使司

紹興十年七月八日押押押

李供奉押賜收復鄭州支犒錢省劄
勘會續降指揮岳宣撫遣發官兵收復鄭州
并日後所用激賞令權貨務限叁日更行印
造見錢關子貳拾萬貫內壹拾萬貫激賞

復鄭州得功官兵餘壹拾萬貫充宣撫司非
時支使今據權貨務供到今月初九日可以
印造了當須議指揮

右已劄下睿思殿祇候入內李供奉一就
押賜前去外今劄送湖北京西路宣撫使
兼河南北諸路招討使岳少保照會准此

紹興十年七月九日押押

收復趙州獲捷照會揚沂中除准
北宣撫劉錡除宣撫判官

湖北京西路宣撫使兼河南北諸路招討使
岳飛奏臣今得衛州忠義統制趙俊差人齎
到申狀自閏六月二十七日起離本州於今
月初四日到臣軍前報臣比遣兵過河會合
忠義統制喬握堅等已收復趙州了當又遣
本司統制梁興董榮兩頭項過河河北州縣
往往自亂民心皆願歸 朝廷乞遣發大兵
前來措置臣見措置外臣契勘金賊近累敗
餉其虜酋四太子等皆令老小過河唯是賊
衆尚徘徊於京城南壁一帶近却發八千人
過河北此正是 陛下中興之時乃金賊滅
亡之日若不乘勢殄滅恐貽後患伏望速降
指揮令諸路之兵火急並進庶幾早見成功
取進止

右勘會已降指揮楊沂中除淮北宣撫副
使於今月二十五日起發劉錡除淮北宣
撫判官三省樞密院同奉 聖旨劄與岳
飛照會今劄送湖北京西路宣撫使兼河

南北諸路招討使岳少保

紹興十年七月十六日 押 押

獎諭郾城獲捷省劄

樞密院奏勘會岳飛一軍於郾城縣獨與番軍寇全軍接戰大獲勝捷除已支降犒賞外右三省樞密院同奉 聖旨令學士院降詔獎諭今劄送湖北京西路宣撫使兼河南北諸路招討使岳少保照會

紹興十年七月二十二日 押 押

郾城獲捷支犒士卒省劄

樞密院奏勘會岳飛一軍於郾城縣獨與番寇全軍接戰大獲勝捷

右三省樞密院同奉 聖旨令戶部支降見錢關子貳拾萬貫付岳飛等第犒賞今劄送湖北京西路宣撫使兼河南北諸路招討使岳少保照會施行

紹興十年七月二十三日 押 押

令先次開具立功最高將士省劄

三省樞密院同奉 聖旨岳飛逐次獲捷立功將士已節次降 指揮令等第保明如日下攢類未圓仰開具立功最高將士先次申奏餘依累降 指揮施行
右劄送湖北京西路宣撫使兼河南北諸路招討使岳少保疾速施行

紹興十年八月二日 押 押

令疾速赴 行在奏事省劄

岳飛劄子奏臣於七月二十七日取順昌在由淮南路恭依累降 御筆處分前赴 行在奏事

右三省樞密院同奉 聖旨令岳飛疾速前來赴行在奏事今劄送湖北京西路宣撫使兼河南北諸路招討使岳少保疾速施行

紹興十年八月八日 押 押

給降空名告命省劄

尚書省關三省樞密院賞功房關岳飛劄子

乞給降下項空名告命如有立功人即便書
填以爲激勸遇書填某人於告背紙上題寫
階銜押字用印照驗候 指揮正任承宣使
三道內一道帶軍職正任觀察使五道內一道帶軍職正任防禦
使八道內一道帶軍職正任團練使一十道正任刺史
一十五道已上乞於告內寫定官橫行帶承
宣使一十道橫行帶觀察使一十五道橫行
帶防禦使二十道正使帶團練使二十五道
二使帶刺史三十道正使帶閤門宣贊舍人

四十道副使帶閤門宣贊舍人四十道小使
臣帶閤門祗候五十道已上乞於告內空官
臨時書填武功大夫至武翼大夫階各三十
道武功郎至敦武郎階各四十道修武郎至
承信郎階各五十道進武校尉至守闕進義
副尉階各五十道已上乞寫定官九月十一
日三省樞密院同奉 聖旨依令吏部給降
仍置稽專以旌賞陝西河外立功人關送樞
密院指揮

右并空名下班祇應付身五十道今劄送
湖北京西路宣撫使兼河南北諸路招討
使岳少保照會收管

紹興十年九月十五日 押押

令措置河北河東京東三路忠義
軍馬省劄

紹興十年十月十三日左承議郎守司農少
卿差充湖北京西路宣撫使司參議官高穎
劄子奏臣嘗謂兵取朕勝以謀為主謀之發

用以時爲宜臣自建炎三年春不幸陷于番
域切觀大河之北士人非不衆也而能專心
詢訪所謂酋長之趣向兵卒之彊弱屯戍之
虛實以爲我 國家計者世鮮其人間有高
志不羣之士往往晦迹隱伏杜門不出而時
事未嘗過而問焉臣自紹興元年秋被命召
赴行在切觀大江之南人非不衆也而能專
心詢訪所謂將帥之才守禦之備攻取之術
以爲我 國家計者亦鮮其人間有畫策獻

謀之士往往風聲氣俗不歷邊事而謀慮有所不周矣今也臣合南北之所得長短以究其利害臣雖愚蠢所得者亦多矣臣所以敢將河北忠義之士為攻取計始終不易其言者相其今日所宜是為決取之謀是為適可之時曾無漕運之勞器甲之需激賞之費借曰萬一敗失亦不傷乎國體用事于金賊腹心之中而收功于疆場千里之外夫何憚而不為臣誤蒙陛下擢置卿列可謂安佚

矣而臣區區願預軍事非厭安佚而樂煩劇蓋以謂臣子之心苟有寸長當戮力以為國家用儻能建功立事以圖報稱是為臣之忠立身揚名以顯父母是為子之孝忠孝所係故一身之安佚煩劇曾不足較也臣之言大可以獻諸天地幽可以質諸鬼神伏望陛下特賜睿察如臣言可用即委臣措置河北河東京東三路忠義軍馬所有文劄乞降付宣撫使岳飛庶幾可以裨贊岳飛十年

連結河朔之謀仍乞降三路賞功 聖詔然
後臣當將命請行取 進止

右三省樞密院同奉

聖旨劄與岳飛措

置不下司今劄送湖北京西路宣撫使兼
河南北諸路招討使岳少保疾速施行

紹興十年十月十三日

密詔諸將廣設間諜契丹等國誘

率來歸省劄

臣寮劄子奏臣聞金賊初犯 中國率契丹

激海奚人漢兒諸國之兵猖然而來共肆吞
噬之毒然竊原諸國之本心誠非得已迫於
一時凶力之強而已矣今則窮兵轉戰二十
餘年思歸者益切厭亂者益多昨兀朮渝盟
自知兵出無名乃託以大教悉卷而行侵我
三路其麾下之衆莫不怏怏而南非欲攄憤
雪耻而樂然願聞也故三路之師連戰輒北
何則兀朮之性狠猛殘虐喜於殺戮一旦戕
其叔捷賴而國人貳者已過半矣咸以謂於

其叔如此佗人敢保其終乎此楚歌發而項籍亡晟間行而攝畜破之秋也傳謂夷狄難以力征易可離間此言中的不可復易欲願陛下密詔諸將廣設間諜諭以禍福其契丹渤海奚人漢兒諸國有來降者厚而遣之縱其返國使之更相誘動相率來歸高爵厚祿一無所恡不一二年足以離其腹心破其黨與此所謂不戰而屈人之兵者取進止

右三省樞密院同奉聖旨依奏劄與諸

帥照會今劄送湖北京西路宣撫使兼河南北諸路招討使岳少保照會仍不下司

紹興十年十月二十二日

鄂國金佗續編卷第十

鄂國金佗續編卷第十一

鄂國金佗續編卷第十一

孫朝請大夫權尚書戶部侍郎總領浙西江東財賦淮東軍

馬錢糧專一報發 御前軍馬文字兼提領措置屯田通

城縣開國男食品三百戶賜紫金魚袋岳珂編次


絲綸傳信錄卷之十


紹興十年

令差人體探順昌府番賊聚糧詣實省劄

措置蔡州虜賊孟千戶省劄

再令疾速措置孟千戶省劄





鄂國金佗續編卷十一

南史書

增照會

鄂國金佗續編卷第十一

孫朝請大夫權尚書戶部侍郎總領浙西江東財賦淮東軍

馬錢糧專一報發 御前軍馬文字兼提領措置屯田通

城縣開國男食品三百戶賜紫金魚袋岳珂編次

絲綸傳信錄卷之十

紹興十年

令差人體探順昌府番賊聚糧詣實省劄

措置蔡州虜賊孟千戶省劄

再令疾速措置孟千戶省劄

令今後招捉女真等不得一面申解省劄
令宣撫招撫司差人間探省劄

令嚴切措置捍禦虜賊省劄
令相度光州修城增兵省劄

令緊切措置番賊作過省劄

令遣發叅議官高穎措置三路忠義軍

馬省劄

令契勘梁興見今措置事宜開具申

聞省劄

令隄備荆南府一帶虜賊省劄

探報兀木領兵過河令宣撫司擇利措

置省劄

紹興十一年

令措置四太子人馬分路作過省劄

令江上諸屯互相策應防虜窺伺省劄

照會四太子勾諸處軍馬攻打楚州省劄

紹興十年

令差人體探順昌府番賊聚糧詣

實省劄

權發遣壽春府孫暉奏十月十六日據本府差出幹事人丁洪張立回府供責先於今月初七日蒙差離府前去已北幹事至十一日早假裝近城打柴人入順昌府城西門於市西張客店內安下至十二日早探見梓城裏女真番人烏也萬戶將帶女真馬軍一千人騎出北門望亳州路上稱前去宿州其知府劉都轄用酒食送到白沙村及當時亦有馬

軍二百餘人騎出南門即不知去向并探得當日却有順昌府城西北二十餘里一寨女真番人二千餘人騎却拽入城內遶梓城外下寨及於城內諸寺院內亦有漢兒并女真千戶四箇共有馬軍約三百人騎步軍一千七八百人兼於城北潁河搭蓋土橋一座闊約一丈七八尺來兼越河裏見堆梁馬捍草四五十積并見陳州用船五十餘隻般載糧到順昌府城內下卸了當其空船見在橋西

繫泊并亳州用人夫推般糧五百餘輛車子到城下卸復回空車前去亳州洪等至十三日買茶鹽出城前來至十六日晚到府所供是的臣所據幹事人丁洪等探到順昌府畚賊聚積糧草事宜臣除已過作隄備及不往再差人前去體探畚賊動息作為意向次第候到別具奏聞

右奉 聖旨 令淮西淮北京西宣撫司差人體探指實申奏今劄送湖北京西路宣撫使司疾速施行準此

紹興十年十月二十五日

措置蔡州虜賊孟千戶省劄

樞密院奏據探報蔡州畚賊孟千戶領人馬前去唐州及管下比陽作過

右三省樞密院同奉 聖旨 令岳飛嚴切措置捍禦不管踈虞仍具已措置事狀聞奏今劄送湖北京西路宣撫使兼河南北諸路招討使岳少保疾速施行

紹興十年十一月十七日

再令疾速措置孟千戶省劄

樞密院奏勘會近據探報蔡州番賊孟千戶領人馬前去唐州及管下比陽作過已降

指揮令岳飛嚴切措置捍禦不管踈虞仍具措置事狀聞奏今又據京西南路安撫司申唐州責據百姓文九狀十月二十四日到比陽縣西見本縣人民走出縣來稱有番人來到本縣下寨切慮賊馬不測侵犯京西一帶

州縣理宜嚴備

右三省樞密院同奉 聖旨令岳飛依累降 指揮疾速嚴切措置捍禦不管少有踈虞仍具已措置事狀 聞奏今劄送湖北京西路宣撫使兼河南北諸路招討使岳少保疾速施行

紹興十年十一月十九日

令今後招捉女真等不得一面申

解省劄

金竹坡集卷十一
樞密院奏勘會諸路宣撫司招捉女真契丹
漢兒渤海並申解前來 朝廷深慮公路難
以機察

右三省樞密院同奉 聖旨割下逐司今
後不得一面申解先具姓名聞奏取旨
今割送湖北京西路宣撫使司照會準此

紹興十年十一月十九日

令宣撫招撫司差人間探省割

樞密院奏勘會累次 指揮令逐路宣撫招

撫司遣差間探日近中奏事宜稀少切慮緩
急有悞事機

右三省樞密院同奉 聖旨令逐路宣撫
司依累降處分優支激犒選募信實得力
人分頭渡河前去燕山府東京以來子細
探贖虜情的實動息次第實封申奏仍告
諭所遣人如探得事宜的確信驗當依新
立賞格優異推恩今割送湖北京西路宣
撫使司疾速施行準此

紹興十年十一月二十三日

令嚴切措置捍禦虜賊省劄

據探報兀朮十月初八日只將六騎入東京
初十日有兵馬十五隊入宋門十三日打毬
議事侵掠唐鄧

右劄送湖北京西路宣撫使兼河南北諸
路招討使岳少保依累降指揮嚴切措置
捍禦不管疎虞仍具已措置事狀聞奏

紹興十年十一月二十六日

令相度光州修城增兵省劄

臣寮上言竊以光州與敵對壘了無防遏從
來城壁不存伏聞近差田邦直軍馬深恐虜
寇稍多不足以禦之正當隨宜增給甲兵相
兼守禦之下本路宣撫日下措置取進止
右三省樞密院同奉聖旨令岳飛相度
修城增兵務在寇至必守具的確措置事
狀聞奏今劄送湖北京西路宣撫使兼河
南北諸路招討使岳少保疾速施行

紹興十年十二月一日

令緊切措置番賊作過省劄

光州奏據探事人張德等回供責稱十一月十九日早到汝河北住人范六家見趙小大從順昌府來說道順昌府番人連知府已盡數出城前來於十七日到黃埕市下寨及梁三說番人差八騎馬軍前去梁安灘踏淺及問去焦陂路已作隄備外 奏聞事

右三省樞密院同奉 聖旨劄下岳飛緊

切措置無令透漏過淮侵擾作過日下且已措置事狀 聞奏今劄送湖北京西路宣撫使兼河南北諸路招討使岳少保疾速施行

紹興十年十二月二日

令遣發參議官高穎措置三路忠

義軍馬省劄

樞密院奏 勘會近據左承議郎守司農少卿差充湖北京西路宣撫使司參議官高穎劄

于奏乞委臣措置河北河東京東三路忠義
軍馬庶幾可以裨贊岳飛十年連結河朔之
謀已降 指揮劄與岳飛措置

右三省樞密院同奉 聖旨令岳飛疾速
措置遣發具已施行 聞奏今劄送湖北
京西路宣撫使兼河南北諸路招討使岳
少保疾速施行

紹興十年十二月六日

令契勘梁興見今措置事宜開具

申聞省咨

樞密院奏據探報下項

一光州奏歸正人陳興供本朝梁統制
人馬取却懷衛兩州四太子去滑州
策應

一前燕山府工曹掾方喜自虜中脫身
回探得大名開德府界梁小哥人馬
截了山東路金帛綱河北馬綱
一泗州申幹事人王德回供稱十一月

九日出徐州東門外見清河岸貼城
立砲座河內有廠槽船船上有番人
棹船教閱恐梁小哥從梁山灤內乘
船下來

右三省樞密院同奉 聖旨令岳飛契勘
梁興見今措置并本司所委事宜開具申
樞密院如有立到功效即具 聞奏優與
陞擢今劄送湖北京西路宣撫使兼河南
北諸路招討使岳少保疾速施行

紹興十年十一月六日

令隄備荆南府一帶虜賊省劄

川陝宣撫副使胡世將奏臣伏見金賊渝盟
復下河南州縣其賊首兀朮在東京撒离喝
在長安互為聲勢侵掠未已賴 朝廷威靈
將士用命雖屢摧大敵而賊勢尚堅今來諸
路大軍並各精銳既習戰鬪又據地利以逸
待勞固可制勝臣之所憂惟恐賊以兵擣荆
襄之虛斷吳蜀之勢况自東京至荆南道路

平坦虜人若以精騎馳突不數日可到如此
 則荆襄搖動道路不通其為患有不可勝言
 者臣日夜念此欲具奏陳近據自慶陽府脫
 身將仕郎兵名世赴司供析金賊見議欲先
 掠取襄漢以斷四川與宣撫相接地分使東
 西不得相救然後以精兵侵犯四川臣除已
 行下知金州兼陝西諸路節制軍馬郭浩知
 商州邵隆知洋州王俊都統制吳璘楊政等
 多差間探嚴切措置過為隄防及關牒湖北
 京西南路安撫司照會外伏望 聖慈詳酌
 特降 睿旨將荆南府一帶嚴切隄備仍乞
 於荆南添屯軍馬與襄陽表裏相應庶幾緩
 急不失枝梧可以伐賊姦計伏候 勅旨
 右三省樞密院同奉 聖旨劄下岳飛多
 遣間探過作隄備仍具知委 聞奏今劄
 送湖北京西路宣撫使兼河南北諸路招
 討使岳少保疾速施行

紹興丁未年十二月七日

探報兀朮領兵過河令宣撫司擇
利措置省劄

樞密院奏據諸處探報兀朮與韓常翟千戶
酈瓊等各領兵馬過河前去

右三省樞密院同奉 聖旨令逐路宣撫

司疾速體探詣實擇利措置無失機會今
劄送湖北京西路宣撫使司疾速施行

紹興十年十二月十四日

紹興十一年

令措置四太子人馬分路作過省劄

濠州申十二月二十九日據北來人李穩到

州供析係三京招撫司使臣差往東京探金

人動息十二月初六日到東京探得四太子

十二月初一日自燕京起發到東京安下處

不定穩於初七日到蔡河上何太尉宅前見

有番人并老小於五岳觀至南春門街上人

家內住滿并宣德門正西至大佛寺及封丘

門并百王宮各有番人安下在京番人并老

小共有數十萬人內正軍止有約五六萬人
騎多有河北簽軍及於十一月初十日穩見
四太子犒設在京番人銀絹及散乾糧并箭
鑿不住點檢及每人要附帶糧三斗及見東
京人及番軍說待於正月初五日會合諸路
軍馬連老小一發起奔向南前來及說一路
兵取廬州奔馬家渡過江一路取泗州濠州
要來揚州屯大寨取潤州過江一路取海州
一路奔漢上去及見說四太子指揮每一箇
千戶要悶葫蘆三千箇要過淮南虜人過淮
後降底人便虜不降底都殺穩為知得番人
準備起發遂於十五日早出東京宋門前來
汭路見山東河北人民不絕般運糧斛往洪
州亳州順昌府前去稱積聚準備般向南來
與軍喫及所般糧斛人車路上千萬無數申
聞事并小貼子續據本州差出探事人審青
在壽春府探得番賊見在壽春府界地名蘇
村關圍下寨并十二月二十七日晚又聞得

番賊船數十隻在惠公渡住泊及番賊四太子人馬起離陳州前來頓昌府及見今壽春府并雷統制人馬各上城分地分守禦伏乞照會

右檢會諸處探報番賊要分路過淮作過正月九日奉 聖旨劄下韓世忠張俊劉錡照會緊切措置隄備仍行下所隸州縣保聚人民以防抄掠及劄下岳飛照應措置如探得賊馬果來渡淮即遣發精銳軍馬腹背掩殺牽制各具知稟 聞奏今劄送湖北京西路宣撫使兼河南北諸路招討使岳少保依已降 指揮施行

紹興十一年正月十日

令江上諸屯互相策應防虜窺伺
省劄

三省樞密院同奉 聖旨江上雖已分定地分仰上連下接互相照應或虜寇少有窺伺許關報併力掩殺如不相策應致誤 國事

並按罪輕重必行典憲

右劄送湖北京西路宣撫使兼河南北諸路招討使岳少保疾速施行

紹興十一年二月五日

照會四太子勾諸處軍馬攻打楚

州省劄

樞密院奏准北宣撫判官劉錡申今月五日據金賊漢兒軍蔡鶻突李添兒并帶到馬二疋前來投拜據逐人分析一名蔡鶻突係監

軍龍虎大王下千戶秦明郎下毛毛可隨秦

明郎相合得監軍前來至正月十四日夜到

壽春府監軍下有六萬人馬盡是馬軍一名

李添兒係韓將軍下千戶李天保下甲軍隨

韓將軍起發前來其韓將軍有一萬馬軍於

今年正月十四日到壽春府與龍虎大王合

軍將帶砲九十座及打城器具要攻打壽春

府排日到城下有本府孫安撫及雷總管軍

馬出城見陣至十九日夜知得本府無人馬

至二十日韓將軍與龍虎大王領軍馬過淮
河至二十五日到廬州離城三十里相接下
寨次日早到廬州留下四萬軍馬外三路都
統鎮國總管二人共帶馬軍三萬餘人騎於
當日晚到東山口與劉太尉軍見陣至二十
九日到西縣住坐差馬軍前去和州遠探見
和州有軍馬不曾見陣却回西縣住坐至二
月初五日三路都統與鎮國總管帶馬軍二
千騎前來尖山要打山寨却見劉太尉軍過
河來更不曾打山寨却回西縣鶻突等元未
過淮河時聞得頭目官負說國王指揮過淮
打虜如松江無軍馬盡回至楚州會合併攻
楚州如有軍馬却遣人來喚人馬在西縣下
寨日聞得東關有劉太尉軍馬三路都統於
二月初一日已遣天使前去壽州赴四太子
處勾人馬其四太子次第初五日已離壽州
約初七日到含山縣所有廬州存留下軍馬
監軍與邢王接續押來其四太子下有馬軍

三萬若諸頭項軍馬並到共有萬戶一十三
人實有九萬來軍馬內馬軍八萬步軍一萬
來錡所據投降漢兒軍蔡鶻突等供析事宜
備錄在前伏乞照會申聞事
右三省樞密院同奉聖旨劄下岳飛照
會今劄送湖北京西路宣撫使兼河南北
路招討使岳少保

紹興十一年二月九日

鄂國金佗續編卷第十一

鄂國金佗續編卷第十二

孫朝請大夫權尚書戶部侍郎總領浙西江東財賦淮東軍

馬錢糧專一報發御前軍馬文字兼提領措置屯田通城縣

開國男食邑三百戶賜紫金魚袋岳珂編次

絲綸傳信錄卷之十一

紹興十一年

差官傳宣撫問省劄

照會虜賊韓常等犯界省劄

四太子弟將領賊馬作過令共力破賊

省劄

照會張俊會戰及駐兵去處省劄

照會韓世忠前去壽春府措置番賊省

劄

韓世忠與四太子兵會戰令諸帥同共

措置省劄

報諭北官軍如能擒殺兀朮者除節度

使省劄

將帥軍民如能擒殺兀朮者除官并賜

銀絹田宅省劄

令提兵與張俊等腹背破賊省劄

令權暫駐劄舒州聽候指揮前來奏事

省劄

令多差信實人過淮間探省劄

令差一項軍兵前去郴州討捕駱科省

劄

令體探賊馬侵犯光州速差兵應援省

劄

令措置應援光州省劄

改所管制領將副軍兵充御前省劄

罷逐路宣司省劄

照會發回所帶人馬歸本處防拓把截

依奏省劄

依張俊例差破宣借人省劄

令前去按閱專一任責省劄

令帶本職按閱御前軍馬仍赴內

殿奏事省劄

乞追回王剛所帶人數當直使喚省劄

添造臨安府所居屋宇省劄

紹興十一年

差官傳宣撫問省劄

三省樞密院同奉聖旨令張去為一就傳

宣撫問湖北京西路宣撫司官兵倍支起發

一次

右劄送湖北京西路宣撫使司照會準此

紹興十一年二月十日

照會虜賊韓常等犯界省劄

湖北京西路宣撫使兼河南北諸路招討使岳飛奏據德安府屯駐本司統制官龐榮申探得蔡州除舊有番賊韓常等賊馬外又據探報李成押千戶一十五人人馬約一萬五千餘騎正月十八日已到蔡州除已隄備外奏聞事

右三省樞密院同奉 聖旨韓常見在淮西劄與岳飛照會今劄送湖北京西路宣撫使兼河南北諸路招討使岳少保疾速施行

紹興十一年二月十七日

四太子第特領賊馬作過令并力破賊省劄

二京等路招撫處置使司申今月十七日據本司差 探事使臣王用等及問得賊寨走

王二七 說桐城縣泉水北下

賊一萬餘人騎頭首阿律出

大王係四太子親弟將領其賊馬不住四散
出沒作過除已更切差人體探外伏乞 照
旨申 聞事

右劄送湖北京西路宣撫使兼河南北諸
路招討使岳少保照會依累降 指揮疾
速提兵前來共力破賊毋失機會

紹興十一年二月二十日

照會張俊會戰及駐兵去處省劄
湖北京西路宣撫使兼河南北諸路招討使

岳飛奏臣今月十一日準 御前金字牌遞
到 親劄一通臣即時拜 恩跪領訖伏讀

聖訓以金賊侵犯淮西已在廬州張俊等併
力與賊相拒令臣提兵合擊或來江州或出
蘄黃統出其後臣敢不仰體 睿眷殫竭愚
陋今日臣已 抵黃州見前去舒蘄州界相度
形勢利害看賊意向別行措置不知張俊等
會戰在甚日庶幾臣得以照應 奏聞事
右三省樞密院同奉 聖旨檢坐張俊渡

江與賊見陣獲捷并見今駐兵去處報岳
飛照會并檢會今劄送湖北京西路宣撫
使兼河南北諸路招討使岳少保

紹興十一年二月二十一日

照會韓世忠前去壽春府措置番
賊省劄

淮南東路宣撫處置使韓世忠申恭依聖
訓將帶軍馬水路並進已取三月初三日起
發前去壽春府以來措置掩殺番賊去訖伏

乞照會申聞事

右劄送湖北京西路宣撫使兼河南北諸
路招討使岳少保照會

紹興十一年三月五日

韓世忠與四太子兵會戰今諸帥
同共措置省劄

淮東宣撫處置使韓太保申世忠初六日早
已次招信縣界據濠州申稱今月四日晚番
賊馬軍并戰船水陸已到本州離城一十五

里下寨乞速賜遣發軍馬前來救援伏望詳酌指揮劄下諸大帥火急前來與世忠會合併力破賊并小貼子稱世忠見親提軍馬戰船水陸並進旦夕與四太子等大兵見陣外伏望速降處分下張俊楊沂中劉錡等星夜兼程前來乘虛先占壽春府與世忠夾擊併力破賊伏候指揮并據濠州申今來番賊劄浮橋見渡人馬過淮南岸乞速賜遣發軍馬應援施行

右檢會三月九日已奉聖旨劄下韓世忠張俊岳飛楊沂中劉錡依已降指揮疾速提兵前去同共措置掩殺已劄下去訖今據前項所申今再劄送湖北京西路宣撫使兼河南北諸路招討使岳少保依已降指揮疾速施行

紹興十一年三月九日

報諭北官軍如能擒殺兀朮者除

樞密院奏勘會兀朮見領賊衆侵犯濠州已
委逐路宣撫會合措置共力破賊今檢會已
降 指揮兩國罷兵南北生靈方得休息兀
朮不道戕殺其叔舉兵無名首爲亂階將帥
軍民有能擒殺兀朮者見任節使以上授以
樞柄未至節使者雖庶官亦除節使官高者
除使相見統兵者仍除宣撫使並賜銀絹伍
萬疋兩田壹百頃第宅壹區切慮北官軍民
不知今來賞格

右三省樞密院同奉 聖旨令諸路宣撫
司報諭北官軍民如能殺併或擒獲來歸
兩管軍民者除拜使相餘並除節度使仍各
賜銀絹五萬疋兩田壹百頃第宅壹區今
至劄送湖北京西路宣撫使兼河南北諸路
招討使岳少保疾速施行

紹興十一年三月十一日

將帥軍民如能擒殺兀朮者除官
並賜銀絹田宅省劄

樞密院奏勘會兀朮見領賊衆侵犯濠州已
委逐路宣撫會合措置共力破賊今檢會紹
興十年六月十一日奉 聖旨將帥軍民有
能擒殺兀朮者見任節使以上授以樞柄未
至節使者雖庶官亦除節度使官高者除使
相見統兵者仍除宣撫使並賜銀絹五萬疋
兩田一百頃第宅一區

右三省樞密院同奉 聖旨給降黃榜付

逐路宣撫司曉諭諸軍將士今劄送湖北
京西路宣撫使兼河南北諸路招討使岳
少保疾速施行

紹興十一年三月十一日

令提兵與張俊等腹背破賊省劄
據探報賊馬見留大軍在亳州今來廬州張
宣撫等大軍併進前去濠州日即津運錢糧
並是經由巢縣柘臯廬州地分前去慮恐賊
兵窺伺徑直復犯廬州以來不惟邀截糧道
兼至大信江口並無阻隔

右檢會三月十日奉 聖旨劄下岳飛令
星夜提兵前來廬州審度事勢前去壽春
會合與張俊韓世忠腹背破賊已累劄下
去訖今再劄送湖北京西路宣撫使兼河
南北諸路招討使岳少保依已降指揮疾
速施行

紹興十一年三月十二日

令權暫駐劄舒州聽候指揮前來
奏事省劄

三省樞密院同奉 聖旨令岳飛先次遣發
軍馬回歸量帶親兵於舒州權暫駐劄聽候
指揮起發前來奏事具知稟 聞奏
右劄送湖北京西路宣撫使兼河南北諸
路招討使岳少保疾速施行

紹興十一年三月二十一日

令多差信實人過淮間探省劄
樞密院奏勘會賊馬進退之際正要詳知動
息已降 指揮令諸宣撫司不住多差信實

人間探日具所探的實事宜 聞奏
右三省樞密院同奉 聖旨令諸宣撫司
依已降指揮疾速分頭差人過淮深入賊
境子細體探目今的實作爲動息日具探
到事宜 聞奏今劄送湖北京西路宣撫
使司疾速施行準此

紹興十一年三月二十一日

令差一項軍兵前去郴州討捕駱
科省劄

主管荆湖南路安撫司公事梁澤民奏伏爲
本路見有郴州元授招安賊首駱科等約七
八千人侵犯道州錦田等處倚恃山險劄立
硬寨接連廣南連賀州界出沒猖獗本司已
發統領官陳元裴鐸各統所部軍馬前去收
捕及差全州第九副將向子率將兵前去應
援今來駱科等賊徒旣衆又倚恃峻山絕崖
劄立硬寨陳元裴鐸所統官兵不過一千餘
人本司別無官兵可以接續應援欲望 聖

慈詳酌特降旨 睿旨差發軍馬暫來本路收
捕前項盜賊庶幾早得撲滅以安一路伏候
勅旨

右勘會已降指揮令岳飛差發一項官兵
前去措置三省樞密院同奉 聖旨令岳
飛日下選差統制官將帶軍馬疾速起發
前去措置討捕不以路分追襲掩殺須管
日近平殄其錢糧令所至路分帥漕應副
不管闕誤今劄送湖北京西路宣撫使兼
河南北諸路招討使岳少保疾速施行

紹興十一年四月二日

令體探賊馬侵犯光州速差兵應
援省劄

權發遣壽春府孫暉奏四月初三日據六合
縣狀申當縣於三月二十九日酉時據被虜
鄉民趙谷走回到縣賚到霍丘縣善香鎮監
稅朱祐狀稱於三月二十八日晚見說固始
縣東二十里遞鋪於二十七日到縣請糧歸

鋪得知本縣承光州關報有兵馬侵犯本州其鋪兵及一帶人民至柴家驛往東南閃避并據本府探報將官劉升狀探得六安軍二十八日二十九日節次承關報有番賊人馬侵犯光州事由臣除已再差人前去體探的實別具狀申奏外奏 聞事

右三省樞密院同奉 聖旨劄下岳飛令多差人體探如有賊馬侵犯速差兵應援今劄送湖北京西路宣撫使兼河南北諸路招討使岳少保疾速施行

紹興十一年四月九日

令措置應援光州省劄

樞密院奏光州申今月初三日據統領田邦直定城知縣高青四縣巡檢劉勢狀申今月初一日酉時探得順昌府番人會合蔡州番賊於今月初一日早出離順昌府分兩頭項來取光州并固始縣約至初三日辰巳時來到城下邦直等遂各即時將帶所部官兵并

將官馮祠馬軍會合前去沿淮上下賊人來
路要便處把截掩殺至初二日五更以來到
梁安灘南岸深林內遂令步軍於兩壁荻林
內暗伏使馬軍在柳林後擺布聽伺北岸賊
馬欲明之間果見番賊馬軍約五六百騎自
淮河北岸踏淺過河前來邦直等望見放令
番賊入河涉水上南岸未整齟間遂聲鼓步
軍齊出荻林更不施放便令徑入賊懷用野
猪刀大斧一發向前勦殺號令不得斫級爭
財其番賊被官兵乘勢掩擊入淮向北奔走
邦直等欲縱兵追襲實為兵少不敢深入遂
收兵南岸歇泊切慮番賊不捨復來作過除
已再行措置外申乞照會州司契勘知州王
刺史已再差將官張受部押官兵前去江淮
上下策應外伏乞照會申聞事

右三省樞密院同奉

聖旨劄下岳飛措

置應援今劄送湖北京西路宣撫使兼河
南北諸路招討使岳少保疾速施行

南史略卷之二
紹興十一年四月十一日

改所管制領將副軍兵充御前

三省樞密院同奉聖旨韓世忠張俊岳飛

已除樞密使副其舊領宣撫等司合罷遇出

師臨時取旨逐司見今所管統制領官將

副已下並改充御前統制統領官將副等

隸樞密院仍各帶御前字入銜及令有司

鑄印逐一給付且令依舊駐劄將來調發並

三省樞密院同奉聖旨施行仍令逐司統

制官等各以職次高下輪替入見及委賞功

司將未了功賞疾速取旨推恩以俟給付

右關送樞密副使岳少保

紹興十一年四月二十七日押押押押

罷逐路宣司省劄

三省同奉聖旨已降指揮韓世忠張俊岳

飛除樞密副使其逐路宣撫等司合罷所有

司屬並優與陞擢差遣統制官等既帶御

御

前入衙下及軍兵並隸密院不得撥屬他處
日前或有負犯一切不問並不許相告言令
三省疾速行下
右劄送樞密副使岳少保

紹興十二年四月二十七日押押

照會發回所帶人馬歸本處防拓
把截依奏省劄

樞密副使岳飛劄子奏臣契勘諸路軍馬已
撥屬御前今來臣有將帶到親兵等除量

留當直人從其餘盡數欲乞發遣却歸本處
所有鄂州及襄漢等州軍有以前發去防托
把截人馬及淮東西軍馬伏望睿慈早賜
措置庶使緩急賊馬侵犯有所統攝不致誤
事取進止四月二十九日三省同奉聖

旨依奏將帶到親兵等量留當直人從外餘
並日下發遣歸本處其鄂州及襄漢等州軍
以前防托把截人馬及淮東西軍馬自合依
舊駐劄聽候御前使喚

右劄送 樞密副使岳少保

紹興十一年四月二十九日押押

依張俊例差破宣借人省劄

岳飛劄子奏臣合破宣借親兵人數竊慮樞密院差破不足欲乞依張俊例

右三省樞密院同奉 聖旨依所乞今關

送樞密副使岳少保

紹興十一年五月五日押押押押

令前去按閱專一任責省劄

勘會已降 指揮張俊帶本職前去按閱

御前軍馬專一措置戰守岳飛帶本職前去

同按閱 御前軍馬專一同措置戰守五月

十一日三省同奉 聖旨俊飛以樞密職事

前去與宣撫使事體不同令隨宜措置專一

任責節次具已措置事目 聞奏

右劄送 樞密副使岳少保

紹興十一年五月十一日押

令帶本職按閱 御前軍馬仍赴

內殿奏事省劄

五月十三日同奉 聖旨已降指揮張俊岳
飛各帶本職前去按閱 御前軍馬專一措
置戰守許令赴 內殿奏事

右劄送樞密副使岳少保

紹興十一年五月十三日押押

乞追回王剛所帶人數當直使喚

省劄

少保樞密副使岳飛劄子契勘飛依奉 聖

旨見隨行當直人數少使用不足伏乞 指

揮行下令飛追回近發去將官王剛所帶人

數前來當直使喚候指揮五月十四日三省

同奉 聖旨依

右劄送 樞密副使岳少保

紹興十一年五月十四日 押押

添造臨安府所居屋宇省劄

八月二十四日三省同奉 聖旨岳飛所居

屋宇不足令臨安府應副添造

右劄送萬壽觀使岳少保

紹興十一年八月二十四日押押

鄂國金佖續編卷第十二

